

CYNGOR CYMUNED MANORDEILO A SALEM

CYFARFOD 10^{fed} CHWEFROR 2016

Cynhaliwyd cyfarfod o Gyngor Cymuned Manordeilo a Salem am 7.30pm ar y 10^{fed} Chwefror 2016 yn yr Ystafell Ddarllen, Cwmifor.

PRESENNOL

Cynghorwyr Alun Davies, Arwel Davies, Jill Davies, Gwenfil Evans, Hubert Gwynne, Peter Harries, Dorian Jenkins, Doris Jones, William Loynton, Andrew Thomas, Owen Williams a'r Cynghorydd Sir Joseph Davies.

1. CROESO AC YMDDIHEURIADAU

Cymerwyd y Gadair gan y Cyng. P. Harries a chroesawodd bawb i'r cyfarfod.

2. CADARNHAU COFNODION Y CYFARFOD DIWETHAF

Cynigiwyd gan y Cyng. W. Loynton, eiliwyd gan y Cyng. D. Jones gyda phawb yn gytûn, bod cofnodion y cyfarfod diwethaf a gynhaliwyd ar y 13^{eg} Ionawr, fel y maent wedi'u teipio a'u dosbarthu, yn gywir.

Arwyddwyd gan y Cadeirydd

3. DATGANIADAU O DDIDDORDEB

Fe wnaeth y Cyng. P. Harries ddatgan diddordeb am y drafodaeth ar Hysbysfwrdd Capel Isaac a'r ceisiadau am roddion gan Urdd Gobaith Cymru Sir Gaerfyrddin, Urdd Gobaith Cymru Blaenau Tywi a Cylch Meithrin Ffairfach.

4. MATERION YN CODI

4.4.4.5.4.5vii) Mewn perthynas â'r mater o ddiffyg lle pan fydd cerbydau'n parcio dwy ochr y ffordd y tu allan i Ystafell Ddarllen Manordeilo, derbyniwyd yr ymateb canlynol gan Gyngor Sir Caerfyrddin (C.S.C.):

'Dros yr ychydig fisoedd diwethaf rydym wedi bod yn monitro'r lleoliad, ar wahanol adegau'r dydd. Ni welwyd tystiolaeth o unrhyw broblemau parcio. Fe wnaethom sylwi bod ambell gar wedi'i barcio ger yr Ystafell Ddarllen ond roedd digon o le i gerbydau fynd heibio heb achosi unrhyw broblemau o ran gweld nac unrhyw rwystro. Felly nid yw'n fwrriad gennym i weithredu ymhellach mewn perthynas â chyfyngiadau parcio yn y lleoliad hwn'

Nodwyd gan Gyngorwyr bod problemau'n codi pan gynhelir digwyddiad yn yr Eglwys a/neu'r Ystafell Ddarllen pan fydd ceir yn parcio dwy ochr y ffordd ac ar adegau'n cyfyngu ar fynediad. Mae'r heddlu wedi rhoi conau traffig ac mae'r rhain wedi bod o gymorth yn rhwystro parcio union y tu allan i fynedfa'r Ystafell Ddarllen. Yn ystod adroddiad Swyddog Cymorth Cymunedol yr Heddlu Lewis, dywedodd fodd bynnag fod cwyn wedi'i derbyn mewn perthynas â'u defnydd ac o'r hyn y mae'r heddlu wedi sylwi arno, parcio ar neu yn agos at y gornel sy'n achosi'r perygl mwyaf a gofynnodd i yrwyr beidio â pharcio yn yr ardal honno.

4.4.4.12i) Dywedodd y Clerc bod Mrs L. Davies wedi cyfieithu cofnodion Medi a Hydref a bod y rhain wedi'u gosod ar wefan Gymraeg y Cyngor.

4.5vii) Mewn perthynas â hysbysfwrdd Capel Isaac, mae dyfynbris wedi'i dderbyn am £350 i osod cabinet UPVC yno ac yn ogystal â hynny bydd cost gosod fydd yn dod â'r cyfanswm i £550.00. Mae hyn yn cymharu i gyfanswm o tua £300 i osod un derw yn ei le gan Mr Iwan Harries. Fe wnaeth y Cyng. P. Harries unwaith eto ddatgan diddordeb a ni chymerodd ran yn y drafodaeth na'r penderfyniad dilynol. Cynigiwyd gan y Cyng. H. Gwynne, eiliwyd gan y Cyng. D. Jenkins ac roedd pawb yn gytûn y dylid gofyn i Mr Iwan Harries wneud y gwaith.

Ymunodd Swyddog Cymorth Cymunedol yr Heddlu Louise Lewis â'r cyfarfod a dywedodd nad oedd unrhyw drosedd wedi'i hadrodd yn ardal y Cyngor Cymuned. Ni chodwyd unrhyw faterion eraill a diolchodd y Cyng. P. Harries i Swyddog Cymorth Cymunedol yr Heddlu Lewis am fynychu'r cyfarfod ac am ei hadroddiad.

5vi) Rhoddodd y Cyng. O. Williams adroddiad manwl am y Digwyddiad gan Lywodraeth Cymru i Feithrin Cysylltiadau a fynychodd ar yr 2^{il} Chwefror yn Stadiwm Liberty, Abertawe. Mae cynigion Bil Drafft Llywodraeth Leol (Cymru) yn cynnwys:

- Uno awdurdodau lleol (o bosib lawr i 8 neu 9 ar draws Cymru) ac uno cynghorau cymuned yn "Cynghorau Cyffredin" mwy o faint
- Byddai pŵer cymhwysedd cyffredinol yn ei gwneud yn ofynnol i gynghorau cymuned gwrdd â 3 main prawf, sef bod o leiaf dwy ran o dair o'r cynghorwyr wedi'u hethol, bod gan y Clerc y cymwysterau perthnasol a'u bod yn cwrdd ag amodau archwilio. Hefyd fe fyddai'n rhaid cyflwyno adroddiadau blynyddol.
- Cynlluniau rheoli perfformiad i'w gosod gan y Cadeirydd/Cyngor a'r Clerc i gwrdd â'r amcanion.
- Sefydlu pwyllgorau ardal cymunedol i weithredu fel fforymau er mwyn cysylltu â'r cynghorau sir mwy o faint a'r cynghorau cymuned.
- Bydd yn orfodol i gynghorwyr cymuned ymgymryd ag hyfforddiant perthnasol.
- Cynhelir etholiadau'r Cynghorau Cymuned ym mis Mai 2017, Mai 2023 a bob pum mlynedd wedi hynny.

Diolchwyd i'r Cyng. O. Williams am ei adborth; a chytunwyd y dylid rhoi'r wybodaeth hon ar wefan y Cyngor yn gwahodd aelodau'r gymuned i ymateb i'r ymgynghoriad cyn y dyddiad cau sef 15^{fed} Chwefror. Cyng. O. Williams

5ix) Dywedodd y Cyng. O. Williams nad oedd wedi medru mynychu digwyddiad Bwrdd Iechyd Prifysgol Hywel Dda, Meithrin Cysylltiadau i Drawsnewid Gwasanaethau Iechyd Meddwl ar y 25ain Ionawr yng Nghanolfan Halliwell. Fodd bynnag fe wnaeth gyflwyno sylwadau ar ran y Cyngor.

9. Mae C.S.C. wedi cadarnhau derbyn yr Archebiant Gofynnol am 2016/17.

12i)a iv) Mae Mr S. Quick, Adran Briffyrdd C.S.C. wedi dweud y bydd gweithwyr yn trwsio'r twll mawr yn wyneb ffordd Heol Cwmifor ar y gornel rhwng yr Ystafell Ddarllen a'r gyffordd gyda'r A40 a hefyd y cylfat sydd wedi'i rwystro gyferbyn â'r Folly, Cwmifor.

12ii) Dywedodd Mr S. Quick nad oeddent yn ymwybodol o unrhyw rannau gwael ar y ffordd rhwng Salem a Heol Penybanc ond fe fyddent yn cynnal arolwg. Ychwanegodd bod nifer fawr o Ffyrdd Dosbarth 3 a 4 bellach yn dangos arwyddion o ddirywio a hynny oherwydd y lleihad difrifol yn y cyllidebau cynnal a chadw dros y bymtheg i ugain mlynedd ddiwethaf. Nodwyd hyn.

12iii) Gofynnwyd am ragor o wybodaeth am y ffosydd agored wrth ymyl ffyrdd yn ardal Capel Isaac.

12v) Mae'r Cyng. O. Williams a'r Clerc wedi cwrdd i drafod datblygu'r wefan a chynigir cynnwys newyddion o'r Cyngor Cymuned, dyletswyddau a chyfrifoldebau, Hysbysfwrdd Cymunedol, Archif Newyddion, Galeri o Ffotograffau, dolenni i wefannau eraill megis gwefan Pentref Salem, cynnwys Cylchlythyr Plwyf Manordeilo a Cwmifor, manylion cyswllt defnyddiol ar gyfer adrannau'r Cyngor Sir, AC, AS ac ASE. Cymeradwywyd yr awgrymiadau hyn gan y Cynghorwyr; Cyng. O. Williams a'r Clerc i weithredu arno. Cyng. O. Williams/Clerc

5. GOHEBIAETH

- | | |
|--|--------|
| i) Cyfriflen Banc Lloyds dyddiedig 01/02/2016, Taflen Rhif 77, Gweddill £12,288.36 | Nodwyd |
| ii) Cyfriflen Banc HSBC dyddiedig 15/01/2016, Taflen Rhif 306, Gweddill £571.49. | Nodwyd |
| iii) C.S.C. Codi tâl am Oleuadau Llwybr troed am y flwyddyn ariannol 2016/17 sef £4,106.68. | Nodwyd |
| iv) C.S.C. Gwahoddiad i Barêd Gŵyl Ddewi ar y 27 ^{ain} Chwefror 2016. | Nodwyd |
| v) Llywodraeth Cymru, Gwariant Adran 137: Cyfyngiad ar gyfer 2016/17. | Nodwyd |
| vi) Cyng. Dorothy M. Burgess, llythyr yn cynnig adleoli Ysgol Rhys Pritchard i Safle Ysgol Pantycelyn. | Nodwyd |
| vii) Pwyllgor Ystafell Ddarllen Manordeilo, cais am gyfraniad tuag at brynu allweddell i'w defnyddio yn y Neuadd. Cynigiwyd gan y Cyng. A. Davies, eiliwyd gan y Cyng. W. Loynton gyda phawb yn gytûn y dylid rhoi £300 tuag at brynu'r offeryn hwn. | Clerc |
| viii) Un Llais Cymru, adnewyddu aelodaeth ar gyfer 2016/17. Cynigiwyd gan y Cyng. Joseph Davies, eiliwyd gan y Cyng. O. Williams gyda phawb yn gytûn y dylid adnewyddu'r aelodaeth ar gost o £205. | Clerc |
| ix) Un Llais Cymru, gwybodaeth yn cynnwys Cyfarfodydd Pwyllgorau Ardal, Hyfforddiant, apwyntiadau ac ymgynghoriadau. Cytunwyd y dylai'r Cyng. O. Williams fynd yn lle'r Cyng. P. Harries yn gynrychiolydd i'r Cyngor Cymuned; Clerc i ddweud am hyn wrth Un Llais Cymru. | Clerc |
| x) Calonnau Cymru parthed codi arian - 'Te Parti Mwyaf Cymru'. | Nodwyd |

6. GOLEUADAU

Un o'r Goleuadau Stryd ger y blwch ffôn yn Salem ddim yn gweithio; Clerc i roi gwybod i C.S.C. Clerc

7. LLWYBRAU TROED

Derbyniwyd gohebiaeth gan Swyddog Mynediad i Gefn Gwlad C.S.C. wedi iddynt archwilio llwybr troed 44/146 yng nghyffiniau Argoed, Cwmifor. Nid yw'r gwaith o glirio'r llwybr wedi'i wneud fel y gofynnwyd gan yr Awdurdod Lleol sydd bellach yn gofyn am eglurhad pellach ynglŷn â phwy sy'n gyfrifol am daflu'r gwastraff gardd. Cytunwyd ar ymateb, Clerc i ateb. Clerc

8. CYNLLUNIO

Ni dderbyniwyd unrhyw geisiadau cynllunio.

9. CYLCHFAN FFORDD OSGOI LLANDEILO

i) Dywedodd y Cyng. Joseph Davies ei fod wedi bod mewn trafodaethau gyda Mr John McEvoy, Adran Briffyrdd C.S.C. a bellach mae ystyriaeth yn cael ei roi i leihau'r terfyn cyflymder ar y gylchfan o'r 40mya presennol i 30mya. Mae hyn yn rhan o'r bwriad i leihau'r terfyn ymhellach o amgylch yr Ysgolion Cynradd i 20mya.

ii) Mae'r Clerc wedi cysylltu â Chyngor Tref Llandeilo Fawr a hefyd Cyngor Cymuned Talylychau i gael eu barn; mae'r ymatebion cychwynnol yn dangos bod y ddau eisoes wedi ysgrifennu at yr Asiantaeth Cefnffyrdd yn mynegi eu pryderon am ddiogelwch ar y gylchfan. Gobeithiwyd y byddai ymatebion manwl ar gael erbyn y cyfarfod nesaf er mwyn penderfynu ar weithredu pellach.

iii) Cytunwyd y dylid cysylltu ag Awdurdod yr Heddlu i ofyn am eu barn hwythau.
Clerc

10. RHODDION

i) Dosbarthwyd rhestr o'r ceisiadau ariannol a dderbyniwyd gan y Cyngor.

ii) Unwaith eto fe wnaeth y Cyng. P. Harries ddatgan diddordeb yn y ceisiadau am rodd gan Urdd Gobaith Cymru Sir Gaerfyrddin, Urdd Gobaith Cymru Blaenau Tywi a Cylch Meithrin Ffairfach a ni chymerodd ran yn y trafodaethau na'r penderfyniadau'n ymwneud â'r ceisiadau hynny.

iii) Gan fod yna nifer fawr o geisiadau, cytunwyd y dylid blaenoriaethu'r elusennau a'r mudiadau a leolir oddi fewn a'r rheini sy'n ffinio gyda'r Cyngor Cymuned neu rai sy'n cynnig gwasanaethau sy'n elwa'r gymuned yn uniongyrchol. Cytunwyd yn unfrydol y dylid rhoi i'r canlynol:

- Ffederasiwn Ffermwyr Ieuaic Sir Gaerfyrddin - £100 (cynigiwyd gan y Cyng. W. Loynton, eiliwyd gan y Cyng. D. Jones)
- Ambiwylans Awyr Cymru - £200 (cynigiwyd gan y Cyng. H. Gwynne, eiliwyd gan y Cyng. Joseph Davies)
- Urdd Gobaith Cymru Blaenau Tywi - £100 (cynigiwyd gan y Cyng. G. Evans, eiliwyd gan y Cyng. D. Jones)
- Cylch Meithrin Ffairfach - £100 (cynigiwyd gan y Cyng. H. Gwynne, eiliwyd gan y Cyng. Joseph Davies)
- Clwb Rygbi Ieuenctid Llandeilo - £100 (cynigiwyd gan y Cyng. H. Gwynne, eiliwyd gan y Cyng. Alun Davies)
- 'Macmillan Cancer Support', Nyrsys Marie Curie, Gofal Canser Tenovus - £75 yr un (cynigiwyd gan y Cyng. H. Gwynne, eiliwyd gan y Cyng. O. Williams) Clerc

Hefyd, cytunwyd mewn egwyddor i roi i Dîm Hoci Teigrod Tywi; disgwylir am wybodaeth ganddynt.

11. CYFRIFON I'W TALU

i) Cylch Meithrin Ffairfach, Rhodd, Siec Rhif 1156	£100.00
ii) Urdd Gobaith Cymru Blaenau Tywi, Rhodd, Siec Rhif 1157	100.00
iii) Mrs J. Davies, Cyflog y Clerc Chwefror 2016 a Threuliau Siec Rhif 1158	436.63
iv) Syrfêwr JED Cyf, Gwasanaeth Cyfieithu, Siec Rhif 1159	145.68
v) CFFI Sir Gaerfyrddin, Rhodd, Siec Rhif 1160	100.00
vi) Ambiwylans Awyr Cymru, Rhodd, Siec Rhif 1161	200.00
vii) Clwb Rygbi Ieuenctid Llandeilo, Rhodd, Siec Rhif 1162	100.00

viii) 'Macmillan Cancer Support', Rhodd, Siec Rhif 1163	75.00
ix) Nyrsys Marie Curie, Rhodd, Siec Rhif 1164	75.00
x) Gofal Canser Tenovus, Rhodd, Siec Rhif 1165	75.00
CYFANSWM	£1,407.31

12. UNRHYW FATER ARALL

- i) Mae un o'r paneli gwydr yn lloches bysiau Caledfwlch wedi'i ddifrodi'n ddiweddar; adroddwyd am hyn i C.S.C. a gliriodd y gwydr a oedd wedi'i dorri ar unwaith. Derbyniwyd dyfynbris o £397.50 yn cynnwys TAW er mwyn gosod panel newydd yn ei le; y Cyng. Joseph Davies i holi mwy am hyn. Cyng. Joseph Davies
- ii) Mae'r Cyng. O. Williams wedi ysgrifennu Polisi Ar-lein a Chyfryngau Cymdeithasol drafft sydd eisoes wedi'i anfon at Gynghorwyr; roedd copïau caled hefyd ar gael yn y cyfarfod. Gofynnwyd i Gynghorwyr adolygu'r polisi drafft a dod â'u sylwadau i'r cyfarfod nesaf. Pawb
- iii) Adroddodd y Clerc bod cais i Adennill TAW wedi'i gyflwyno i CThEM am £882. 38.

Gan nad oedd unrhyw fusnes arall, diolchodd y Cadeirydd i bawb am fynychu a daeth y cyfarfod i ben am 9.35pm.

.....9^{fed} Mawrth 2016
CADEIRYDD